



Sofia Geisler
Inatsisartunut ilaasortaq, Inuit Ataqatigiit

§ 37 naapertorlugu apeqqummut nr. 203/2020-mut – Tunngaviusumik atuariit namminersortitat angerlarsimaffimmilu atuartitaaneq il.il. pillugit Inatsisartut inatsisaanni § 16, imm. 2-mut tunngasumut akissut.

11-12-2020
Suliap nr.
Allagaat nr. 15497076

Postbos 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Sofia Geisler,

Inatsisartut suleriaasiat naapertorlugu apeqqtinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: Naalakkersuisunut uppersaqquara tunngaviusumik atuariit namminersortitat pillugit inatsimmi §16, imm. 2 pineqartut tassaammata ukiumoortumik ingerlatsinermit tapiissutaasartunit matusserneqartussaangitsut, taakku tassaammata aningaasartuutit utertinneqarsinnaasut.

Akissut: Aallaqqaasiutigalugu oqaatigineqassaaq, immikkut atuartitsineq taakkunungalu aningaasaliissutit kommuninut nuunneqarnerisa kingunerisaanik inatsisip atuuttup Tunngaviusumik atuariit namminersortitat angerlarsimaffimmilu atuartitaaneq il.il. pillugit Inatsisartut inatsisaat nr. 10, 15. april 2003-meersumi § 16, imm. 2-p Tunngaviusumik atuariit namminersortitat angerlarsimaffimmilu atuartitaaneq il.il. pillugit Inatsisartut inatsisaata allanngortinnissaa pillugu Inatsisartut inatsisaat nr. 18. 3. December 2012-imeersoq (friskolinut inatsit) aqutigalugu allanngortinneranut pissutituaammat. Taamaattumik maanna kommunimi pineqartumi tunngaviusumik atuariup sumiiffigisaani, aalajangersagaq naapertorlugu, annertusisamik immikkut atuartitsinermit immikkullu perorsaanermit tunngasunik ikiorsiinermit atuartumut tunniunneqartariaqartunut aningaasartuutit kommunalbestyrelsimit akilernerqassapput.

Taassuma saniatigut friskolimut inatsimmi § 13, imm. 1 aamma § 16, imm. 1, oqaaseqatigiit siulleg innersuutigineqarput. Taakkunanimi allassimavoq Kommunalbestyrelsip tunngaviusumik atuariik namminersortitaq atuartup atuariissatut allassimaffigisaa atuartumut arfinilinnit 17-inut ukiulimmut ataatsimut ukiumut ingerlatsinermit tapiissuteqarfigissagaa. Atuariup kommunerisaata meeqqanik atuariimmiittunik akiliussisarnissaanut tunuliaqutaavoq piumasaqaataammat meeqqat kommunimi atuariup sumiiffigisaani inuit nalunaarsorneqarfiannut nalunaarsimasuunissaat. Tamanna isumaqarpoq meeqqat taakku pillugit kommuni ataatsimoortumik tapiissutinik pisassasoq.

Akerlianilli Friskolimut inatsimmi § 16, imm. 2 ingerlatsinissamut tapiissutitut tamanut tunngasunut siuliani taaneqartunut tunnganngilaq. Tunngaviusumik friskolit atuarfimmi meeqqanut perorsaanikkut tarnikkullu atukkatigut siunnersuisarnermut atatillugu massumunnga innersuunneqarsimasunut annertusisamik immikkut atuartitsinerannut aamma allamik immikkut ittumik perorsaanikkut ikiorsiisarneq atatillugu aningaasartuutit utertitsinissaq kisiat pineqarpoq. Tamanna tunngavigalugu ingerlatsinissamut tapiissutitut tamanut tunngasunut immikkut tapiissutit pineqarnerattut uppersarneqarsinnaavoq.

Akerlianilli oqaatigineqassaaq, Atuarfik pillugu Inatsisartut peqqussutaat nr. 8, 21. maj 2002-meersoq aqutugalugu nalinginnaasumik annertusisamillu immikkut atuartitsinerit pisortatigoortumik immikkoorunnaartinneqarput, annertusisamillu immikkut atuartitsineq Meeqqat atuarfianni immikkut atuartitsarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersumut 1. august 2018-imi (Immikkut atuartitsinerit nalunaarut) atuutilersumut atatillugu inatsisinniikkunnaarluni.

Taamaattumik Atuarfik pillugu Inatsisartut inatsisissaattut siunnersuut nr. 15, 3. December 2012-imeersumi § 15 aamma Immikkut atuartitsinerit nalunaarummi § 6 naapertorlugit atuartitut piginnaasamikkut ajornartorsiuteqarnertik pissutigalugu nalinginnaasumik atuartitsinerup iluani immikkut ikiorserneqarnissaminnik pisariaqartitsinerannik tunineqarsinnaanngitsunut immikkut iliuuseqarnerit ataatsimoortillugit ima taagorneqalerput; immikkut atuartitsarneq aamma allamik immikkut ittumik perorsaanikkut ikiorsiisarneq.

Immikkut atuartitsisarnernut aamma allamik immikkut ittumik perorsaanikkut ikiorseeriaatsinut atatillugu immikkut atuartitsinerit nalunaarummi § 6 innersuussutigineqarpoq.

Immikkut atuartitsisarnertit aamma allamik immikkut ittumik perorsaanikkut ikiorsiinerit sorliit aningaasanik utertitsinnaanersut pillugit apeqqummut atatillugu "annertusisamik immikkut atuartitsineq"-mik taallugu kommunit siusinnerusukkut utertitsisarsimanerannik pissutaasunik nalilersuineq apeqqutaasariaqassaaq. Kommunit pisartagarisimasaasa amerlaqataannik friskolit tunineqarnissaat nalilersuinermit tunngavigineqassaaq. Taassuminnga nalilersuinermit nalunaarummi siusinnerusukkut atuuttumi nalinginnaasumik annertusisamillu immikkut atuartitsinerit aamma allamik immikkut ittumik perorsaanikkut ikiorsiinerit nikingassusaat aallaavigineqarsinnaavoq. Taanna tassaavoq Meeqqat atuarfianni immikkut atuartitsineq allatulluunniit perorsaanikkut ikiorsiineq pillugu Namminersorlutik Oqartussat nalunaarutaat nr. 22, 23. juli 1998-imeersoq. Maani nalunaarummi § 9-mi allassimavoq annertusisamik immikkut atuartitsisoqarsinnaanersooq.

Apeqquq 2: Naalackersuisut qinnuigineqarput ilisimatitsissutigeqqullugu utertinneqarsinnaasunut ilaasut aningaasarsiat saniatigut suut utertinneqarsinnaanersut.

Akissut: Aalajangersakkami peqatigisaanillu apeqqummut 1-imut akissummi allassimavoq aningaasartuutit utertinneqartut tassaasut tapiissutit kommunit siusinnerusukkut Namminersorlutik Oqartussanit ajunngitsorsiarisartagaat, taakkulu kommunit nalunaarut 1998-imeersoq aningaasarsianut aningaasartuutaannarnut

tungasoq naapertorlugu friskolinut 1. januar 2003-imiit utertittartussaagalarpaat.
Aalajangersakkami oqaatsit nassuiaatillu naapertorlugit utertitassanik akissarsiassanut
aningaasartuutitut tunnganeramik isumaqalissutaasinnaasunik imaqaanngillat.

Naalackersuisut taassuma saniatigut Kommuneqarfik Sermersuumi Nuuks
Internationale Friskole-mut atatillugu allaffissornikkut aaqqissuussat
ilisimaqqissaanngilai.

Inussiarnersumik inuulluaqqusilluta



Katti Frederiksen